



INATSISARTUT

**Aningaasaqarnermut Nunamullu
Namminermt Naalakkersuisoq
/MAANI**

Ulloq: 9. august 2013
J.nr.: 01.31.06/13-00636

Aningaasaqarnermut Akileraartarnermullu Ataatsimiititaliap pingasunngornermi ulloq 7. august 2013 aalajangiineranik Naalakkersuisunut ilisimatitsineq (suliaq nr. 01.31.06/13-00636)

Nummi Atuarfik Samuel Kleinschmidtum (ASK) aamma Sarfannguani atuarfimmum atugassanngortitsinissaq

Naalakkersuisut **inassutigaaat**,

kontomi pingaarnermi 84.40.10 Kommunini atuarfiit, suliassamut nr. 060.50.134 ASK-imi iluarsaassineq/allanngortiterineq, Nuuk, aningaasaliissutit 0,5 mio. koruuninik amerlisinneqassasut, aamma suliassamut nr. 083.50.111 Atuarfimmik iluarsaassineq/allanngortiterineq/alliliineq, Sarfannguit, aningaasaliissutit 1,0 mio. koruuninik amerlisinneqassasut, aamma suliassamut nr. 996.50.123 Atuarfiit assigiinngitsut, nutaat nutartikkallu, 2013, aningaasaliissutit 2013-imi 1,5 mio. koruuninik ikilisinneqassasut.

Aningaasaqarnermut Ataatsimiititaliap oqaaseqaatai

ASK-ip iluarsaanneqarnissaani misissueqqissaarnerup aallartinneqarnissaanut 0,5 mio. kr.-it atugassanngortinneqarnissaat kiisalu Sarfannguani atuarfiup iluarsaanneqarnissaani misissueqqissaarnerup aallartinneqarnissaanut 1 mio. kr.-it atugassiissutigineqarnissaat Naalakkersuisut qinnuteqarnerminni kissaatigaat. Taamaattumik suliassaq nr. 996.50.123-mi, Atuarfiit assigiinngitsut, nutaamik sanaartornermut iluarsaanermullu tunngasumi aningaasaliissutit 1,5 mio. kr.-inik ikilineqarput. Suliniummut missingersuutit pigineqalerpata suliniutit kommunimut susasaqartunut tunniunneqarnissaat siunertarinqartoq Naalakkersuisut paasissutissiissutigaaat.

Aningaasaqarnermut Ataatsimiititaliamit erseqqissaatigineqassaaq ASK-ip iluarsaanneqarnissaani suliniutip kommunimut tunniunneqarnissaa tunngavissaatillugu qinnuteqaat akuerineqarmat, tassami maannangaaq taamaallaat missingersuutit C-t sularineqassammata. Naalakkersuisut sanaartortitsisoralugit iluarsaanermi suliniutinut aningaasat atugassanngortinneqarnissaannik qinnuteqaataasinnaasut B-nik missingersuutitallit kisimik Aningaasaqarnermut Ataatsimiititaliamit akuerineqarsinnaapput. Atuarfiit iluarsarneqarneranni sanaartorneqarnerannilu kommunit peqataatinneqartariaqartut aammalu iluarsaanernut sanaartornernullu angisuunut atatillugu suliniut tamarmiusoq kommuninut aamma tunniunneqartariaqartoq ataatsimiititaliaq ataatsimut isigalugu isumaqarpoq, taamaalilluni assersuutigalugu siunissami

aserfallatsaaliinissat iluarsaanissallu eqqarsaatigalugit akisussaaffiit ersarissumik agguataarneqarsinnaaqqullugit.

Suliassamit 996.50.123-mit, Atuarfiit assigiinngitsut, nutaamik sanaartornermut iluarsaanermullu tunngasumit aningaasanik nuussinissap saniatigut suliniutit taakku marluk akornanni ataqatigiittoqarsorinanngilaq. Taamaattumik qinnuteqaat marlunngorlugu avinneqarsimagaluarpat tamanna naleqquttuussagaluarpoq, ASK-imut qinnuteqaat ataaseq aammalu Sarfannguani atuarfimmuut qinnuteqaat ataaseq. Tamanna siunissami qulakkeerniaqqullugu Naalakkersuisut ataatsimiititaliamit qinnuigineqassapput.

Qinnuteqaammi suliassanut normut assigiinngitsut Naalakkersuisut atorpaat - assersuutigalugu ASK-ip iluarsarneqarnissaanik suliassaq 060.50.134-mik aammalu 060.50.089-imik taagorneqarpoq. Sarfannguani atuarfimmik iluarsaalluni/allanngortiteraluni/alliilluni suliassaq 080.50.111-mik aammalu 083.50.111-mik taagorneqarpoq. Suliassat normui eqqortut Aningaasaqarnermut Ataatsimiititaliamut inassuteqaatini allassimasut ataatsimiititaliap naatsorsuutigaa. Taamaattoqarsimangippat tamanna pillugu Naalakkersuisut ataatsimiititaliaq ingerlaannartumik paasitissavaat.

Aningaasaqarnermut Ataatsimiititaliap aalajangiinera

Siuliani allassimasutut paasinnilluni Naalakkersuisut inassuteqaataat Aningaasaqarnermut Ataatsimiititaliap **akueraa**.

Ataatsimiititaliaq sinnerlugu

Finn Karlsen

Ataatsimiititaliap siulittaasua